



Kaspi Bank
арқылы жазылу

Облыстық қоғамдық-саяси газет

МАҢҒЫСТАУ

1973 жылдың 13 сәуірінен шыға бастады



mangystaumedиа.kz
otpannews.kz

№ 16 (10416) 27 ақпан, бейсенбі, 2025 жыл



ЖАҢАЛЫҚ ЖАРШЫСЫ «Жаңаөзен» газетіне –

35 ЖЫЛ

Қазақ басылымдары тарихтың қай кезеңінде де ұлттың рухани ұстыны мен өршіл үні ретінде үлкен құрметке ие болды. Өндірісті өлкедегі өркенді өзгерістерді өсиеттеу мен мұнайлы шаһардың шадыман қадамдарын шартарапқа таратуда шынайы жанкештілік танытқан «Жаңаөзен» газеті – рух сілкінісі мен сана серпілісіне септесу ісінде айрықша рөл атқарған белді басылым. Тарихтың 35 жылдық белесінде жасампаз жобалар мен жанды жарияланымдардың, еркін сөз бен елеулі оқиғалардың жаршысына айналған газет тарихына көз тастаудың орайы келіп тұр.

Адина АҚБЕРДІ

Қазақ КСР Жоғарғы кеңесі Президиумының 1968 жылғы 21 қазандағы Жарлығы бойынша Гурьев облысының құрамында Өзен ауданы, ал 1973 жылы 23 наурызда Маңғышлақ облысы құрылуына орай Жаңаөзен қаласы бой көтерді. Осы жылдары, яғни 1970 жылы аудандық «Жаңағар Маңғыстау» газеті

ашылады, алайда 1973 жылы облыстық газеттің ашылуына орай жабылды. Алғашқы редакторы – Мұқтасын Сухамбердиев. Араға жылдар салып, 1990 жылдың қаңтарынан бастап, қала өмірінің айнасына айналған «Жаңаөзен» газеті өз оқырмандарымен қайта қауышады. Осы тұста атап өтер жайт, басылым тізгіні есімдері өңір халқына етене танымал тұлғаларға тиген еді. Газет ел басына түскен алмағайып жылдар мен ұлт мерейін өсірген өрелі кезеңдерді де бастан өткерді.

Ең бастысы қандай жағдайда да халық сөзін сөйлеуден, ел-жұртты жақсылыққа, іргелі істерге ұмтылдырудан жаңылған емес. Қазіргі таңдағы алдына шырақ етіп ұстанған басты мақсат-мұраты – ел ішіндегі бірлік пен ынтымақты бекемдеуге ықпалдасу. Беделді басылым беттерінде қазақ әдебиеті мен мәдениетіне, руханиятына өзіндік үлес қосқан жарқын тұлғалардың қолтаңбасы, ой-толғамдары қатталғанын да ескерген жөн.

Жалғасы 2-бетте >>>

ЫСЫРАПШЫЛДЫҚ ЫРЫСТЫҢ бетін қайтарады



Айгүл ОРЫНБАЕВА

«Судың да сұрауы бар» дейді дана халқымыз. Ысырапқа бой алдырған бүгінгі қоғамның күйі шындығында мээ емес. Аталы сөзді тура мағынада қолданудың да орайы келіп тұрғандай, жер бетіндегі тұрғындардың судың өзін бей-берекет қолдануы әлемдік су тапшылығына әкеле жатқанын ғалымдар да, мамандар да дабыл қағып ескертуде.

3-
БЕТ.

БҮГІНГІ САНДА

БАЛАБАҚШАДАҒЫ БАССЫЗДЫҚ БАСЫЛА МА?



3

ӨҢІРДЕГІ «ӨРМЕКШІ АДАМ»



4

ҚЫСҚА-НҰСҚА

АҚТАУДА «KAZAKH RECORD» ҰЛТТЫҚ КИІМДЕР ФЕСТИВАЛІ ӨТЕДІ

Наурыздың 22-сінде Ақтау қаласында қазақ халқының ұлттық киімі мен салт-дәстүрін әлемге танытатын «Kazakh Record» фестивалі өтеді. Ұлттық киімді әлемге паш ететін фестивальға сіздің де қатысуға мүмкіндігіңіз бар, оқырман!

10 КЕЛІДЕН АСА ҚАРА УЫЛДЫРЫҚ ТӘРКІЛЕНДІ

Маңғыстау облысының ПД ұйымдасқан қылмысқа қарсы күрес басқармасының қызметкерлері жедел-іздістіру шаралары барысында Ақтау қаласында 34 жастағы азаматты ұстады. Жеке тінту кезінде одан 5 кг 185 грамм кара уылдырық тәркіленді.

ОБЛЫСТАҒЫ БАЗАРЛАР ЖАҢАРАДЫ

Сауда және интеграция министрлігі Сауда комитетінің мәліметінше, 2025 жылға дейін сауда нарықтарын жаңғырту бойынша «Жол картасы» бекітілді. «Жол картасында» Маңғыстау облысындағы бес базар да тізімге енген.

МАҢҒЫСТАУДАҒЫ ТЕМІР ЖОЛ БОЙЫНДА МАЛ ҚОРШАУЫ САЛЫНАДЫ

Биыл маңғыстаулық теміржолшылар 125 км жолды толықтай жөндеуді жоспарлап отыр. Сонымен қатар жазғы жол жұмыстары аясында 450 шақырым жолды жөндеп, темір жол бойына 107 шақырым мал қоршауын салады.

ӨҢІРДЕ ТҰҢҒЫШ РЕТ СПОРТТЫҚ ЖӘНЕ ЖАУЫНГЕРЛІК САМБОДАН ЕЛ ЧЕМПИОНАТЫ ӨТІП ЖАТЫР

25 ақпан күні басталған байрақты бәсекеге еліміздің 17 облысы мен 3 қаласынан 600-ге жуық спортшы жиналды. Маңғыстау өңірінен 50 балуан облыс намысын қорғап, жеңіс тұғырынан көрінуге ниетті.